

Na osnovu Odluke Vlade Tuzlanskog kantona o odobravanju novčanih sredstava za sanaciju (rehabilitaciju) lokalnih i nerazvrstanih cesta na području Tuzlanskog kantona potrošačka jedinica 22010001, broj: 02/1-23-18094/26 od 08.06.2026. godine, JU Direkcija regionalnih cesta TK, objavljuje:

JAVNI POZIV
za raspodjelu sredstava za projekte sanacije (rehabilitacije) lokalnih i nerazvrstanih
cesta na području Tuzlanskog kantona

I

Predmet javnog poziva je raspodjela novčanih sredstava za projekte sanacije (rehabilitacije) lokalnih i nerazvrstanih cesta na području Tuzlanskog kantona u iznosu od 5.000.000,00 KM (slovima: petmiliona konvertibilnih maraka) koji je odobrila Vlada Tuzlanskog kantona sa potrošačke jedinice 22010001 – Ministarstvo trgovine, turizma i saobraćaja (u daljem tekstu: Ministarstvo), ekonomski kod 615300, subanalitika MA0002, funkcija 0451 - Kapitalni transferi neprofitnim organizacijama – sanacija/rehabilitacija lokalnih i nerazvrstanih cesta na području Tuzlanskog kantona, na transakcijski račun JU Direkcija regionalnih cesta Tuzlanskog kantona (u daljem tekstu: Direkcija), a u skladu sa uslovima za raspodjelu novčanih sredstava utvrđenim u Odluci Vlade Tuzlanskog kantona o odobravanju novčanih sredstava za sanaciju (rehabilitaciju) lokalnih i nerazvrstanih cesta na području Tuzlanskog kantona - potrošačka jedinica 22010001, broj 02/1-23-18094/26 od 08.06.2026. godine (u daljem tekstu: Odluka Vlade Tuzlanskog kantona).

Prema mjerljivim kriterijima iz tačke 4. Odluke Vlade Tuzlanskog kantona ukupna sredstva od 5.000.000,00 KM su raspoređena po jedinicama lokalne samouprave (općinama/gradovima) u sljedećim iznosima:

1. Grad Živinice	508.028,04 KM,
2. Grad Lukavac.....	489.492,74 KM,
3. Grad Tuzla.....	799.517,39 KM,
4. Općina Kalesija.....	399.683,45 KM,
5. Grad Srebrenik.....	410.806,02 KM,
6. Općina Banovići.....	292.730,62 KM,
7. Grad Gračanica.....	564.545,47 KM,
8. Grad Gradačac.....	400.928,47 KM,
9. Općina Kladanj.....	262.244,09 KM,
10. Općina Čelić.....	222.590,37 KM,
11. Općina Sapna.....	236.783,94 KM,
12. Općina Dobož Istok.....	226.997,01 KM,
13. Općina Teočak.....	185.652,39 KM.

II

Opći uslovi koje moraju ispunjavati podnosioci prijave utvrđeni u Odluci Vlade Tuzlanskog kantona su:

- da se projekti odnose na mrežu lokalnih i nerazvrstanih cesta kojima upravlja nadležna jedinica lokalne samouprave na području Tuzlanskog kantona,
- da se radi o projektu sanacije (rehabilitacije) lokalne ili nerazvrstane ceste.
- da se uz zahtjev priloži glavni projekat sanacije (rehabilitacije) lokalne/nerazvrstane ceste,
- da vrijednost projekta ne premašuje odobreni iznos sredstava koji pripada jedinici lokalne samouprave na koju se odnosi projekat.
- da se uz prijavu prilože svi traženi dokumenti iz tačke III Javnog poziva.

III

Prijava se podnosi na propisanom obrascu- Obrazac prijave na javni poziv za sanaciju (rehabilitaciju) lokalnih i nerazvrstanih cesta Tuzlanskog kantona (2026) – (u daljem tekstu: Obrazac prijave na javni poziv) koji se preuzima na web stranici Direkcije (judctk.ba-dokumenti-propisi-ostalo).

Obrazac prijave na javni poziv mora biti uredno popunjen, potpisan i ovjeren od strane nadležne jedinice lokalne samouprave (grad/općina) ili mjesne zajednice na čijem se području nalazi lokalna /nerazvrstana cesta na kojoj se realizuje prijavljeni projekat.

Uz Obrazac prijave na javni poziv prilaže se sljedeća dokumantacija:

- posjedovni list, kopija katastarskog plana i zemljišnoknjižni izvadak za predmetnu lokalnu/nerazvrstanu cestu, te ukoliko nije izvršena harmonizacija starog i novog premjera dostaviti identifikaciju (dokumentacija mora biti original ili ovjerena fotokopija),
- ukoliko je u katastarskoj evidenciji, lokalna/nerazvrstana cesta na koju se odnosi projekat, upisana na drugi nivo upravljanja, dostaviti ovjerenu izjavu da cestom upravlja nadležna jedinica lokalne samouprave grad/općina, prema članu 13. Zakonu o cestama Federacije Bosne i Hercegovine,
- dva printana primjerka glavnog projekta sanacije (rehabilitacije) lokalne /nerazvrstane ceste,
- jedan primjerak glavnog projekta sanacije (rehabilitacije) lokalne /nerazvrstane ceste u elektronskoj formi.

Ukoliko jedinica lokalne samouprave (grad/općina) ili mjesna zajednica dostavlja više od jednog projekta rehabilitacije (sanacije) lokalne /nerazvrstane ceste, svaki projekat mora biti odvojeno spremljen u zatvorenu kovertu radi evidentiranja vremena podnošenja zahtjeva.

U slučaju odobravanja projekta mjesne zajednice, isti će biti realizovan samo ukoliko jedinica lokalne samouprave (grad/općina) da saglasnost na isti projekat.

IV

Nakon završenog javnog poziva, Direkcija će sačiniti prijedlog Odluke o odobrenim projektima sanacije (rehabilitacije) lokalnih i nekategorisanih cesta na području Tuzlanskog kantona po jedinicama lokalne samouprave koji su zadovoljili uslove iz Odluke Vlade Tuzlanskog kantona i dostaviti Ministarstvu zajedno sa pratećom dokumentacijom radi upućivanja na razmatranje Vladi Tuzlanskog kantona.

Na prijedlog Ministarstva, Vlada Tuzlanskog kantona donosi Odluku o odobrenim projektima sanacije (rehabilitacije) lokalnih i nerazvrstanih cesta na području Tuzlanskog kantona, koja će biti objavljena na web stranici Vlade kantona, Ministarstva i Direkcije.

Nakon donošenja Odluke o odobrenim projektima sanacije (rehabilitacije) lokalnih i nerazvrstanih cesta na području Tuzlanskog kantona, Direkcija će sklopiti sporazum o saradnji u realizaciji projekata sa nadležnom jedinicom lokalne samouprave kao upraviteljima lokalnih i nerazvrstanih cesta.

V

Javni poziv ostaje otvoren do utroška ukupnih sredstava iz tačke I Javnog poziva (5.000.000,00 KM), a najduže sedam dana od dana objave istog - do 23.06.2026. godine do 16,00 h. Sredstva unutar jedne jedinice lokalne samouprave biti će raspoređena do utroška pripadajućih novčanih sredstava za tu jedinicu lokalne samouprave.

Javni poziv će biti objavljen na web stranici Vlade Tuzlanskog kantona, Ministarstva i Direkcije. Prijave pristigle nakon zatvaranja javnog poziva i prijave koje nisu dostavljene u skladu uslovima javnog poziva neće se uzeti u razmatranje.

Prijave na javni poziv sa propisanom dokumentacijom dostavljaju se u zatvorenoj koverti na protokol Direkcije regionalnih cesta TK, u ulici Albina Herljevića broj 43, 75000 Tuzla, kancelarija broj 8 (na spratu) sa naznakom „Prijava na javni poziv za raspodjelu sredstava za sanaciju (rehabilitaciju) lokalnih i nerazvrstanih cesta na području Tuzlanskog kantona- NE OTVARATI“, svakim radnim danom od 7,30 h do 16,00 h.

VI

Direkcija će formirati Komisiju za provođenje javnog poziva koja će raditi kontinuirano na obradi prijave, provjeri općih uslova i dokumentacije iz tačke III Javnog poziva te ukoliko ukupna sredstava iz tačke I Javnog poziva (5.000.000,00 KM) budu utrošena prije isteka roka od sedam dana od objavljivanja, Direkcija će zatvoriti javni poziv i obavijestiti o zatvaranju javnog poziva putem web stranice Vlade Tuzlanskog kantona, Ministarstva i Direkcije regionalnih cesta TK.

Broj: 04-04-150-4/26

Tuzla, 16.06.2026. godine.

